

NOTFAU: Tigi, 4j.



suechet dringänd es nöies Daheime i Wohnigshautig

Sali zäme

Ig bi s'Tigi, sähr schüech abr härzig, odr? Min Blick, gäu? Ja u itze chunnt's, ig bi ganz truurig, wiu ig es nöies Daheime muess sueche. Warum? Mini Bsitzer müeset böidi churzfrischtig is Autersheim zügler u dörfet mi nid mitnäh. D'Familie wott mi nid u wenn ig nid fing, denn chumm ig uf ene Hof. Wär nid das Schlächteschti, sy gueti Lüüt, abr ig hätt liebr wiedr e eigeni Familie nur für mi, bi ja nid es Wiuds. Drum!

Ig bi 4jährig, kaschtriert u gimpft, gsung, fit u muntr, schtuberein u guet erzoge. Ig bi e ruhige, aahänglechi, verschmuesti Chatz, ganz uuchompliziert. Aafangs bi ig no es bitzeli (arg) schüch bi Frömde, abr wenn ig Di ha dörfe chennelehre, den toue ig uf. Wenn Du mi tuesch bsueche, wärd ig Di sichr aluege, muess doch wisse, wer Du bisch. Ig wär ou gärn Einzelprinzessin bi Dir, nur Du u ig odr Dir! So chenne ig das. Hung u Chatz u Ching bruuche ig nid. Ig mag Schtriichele u Schmüsele u liebe es eifach, bi Dir z'sy. Ig chenne nur d'Wohnig u de Baukon, das gnüegt mir, abr e gsicherete Baukon, das muess scho sy, zum Sünnele u Vögeli-Luege. Bi doch nöigiirig.

Ig sueche es ruhigs Daheime biso liebi Lüüt wi mini Bsitzer sy gsi. Bisch Du villiicht pensioniert u oft daheime? Hesch Du en Baukon mit ere inträssante Uussicht? U möchtisch Du mi, nur mi ganz allei, uf Läbänsziit verwöhne u mi lieb habe? Hesch Du Geduud mit mir u gibsch nid gli uf, wenn ig nid am erschte Tag uf Dim Schoss höckle? U chönnti bi Dir ganz baud iizihe? Soviu Wunsch, ig weiss. Abr das wär's! Denn müeset mir üs unbedingt lehre chenne. Ig wohne im Moment no z'Seewen/SZ, zügler aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Ig fröie mi ganz fescht uf Di!

Dini Tigi



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch